

續修陝西省通志稿

第五十七冊

卷一百零八至一百零九

續修陝西通志稿卷一百八

人物三十五

列女八

高陵

王氏白熹妻夫歿遺孤子德甫四歲貧無立錫地又乏期功強近之親母子二人形影相弔茹荼飲冰撫子德成人延白氏一綫之脈學使額曰柏舟高節乾隆四年旌立孫翰林遇道纂邑志立有傳

張氏李蘊錦妻李不禮於氏氏事之愈謹年二十夫亡矢志勵節晝夜紡績力葬李氏四喪會庚辛連年荒歉忍飢寒困苦愈堅其節知縣表其門曰松節霜操曹氏劉孔仰妻夫賈鄖陽病歸尋卒氏事姑教子守節四十年俱乾隆年旌

党氏生員雷亨妻年二十二夫亡翁姑在堂婦修子職晨昏必視得堂上歡心比相繼歿喪葬如禮撫遺腹子繼濂長入塾讀歸必稽考所誦後入邑庠爲名諸生嘉慶八年旌邑人周映紫撰節孝碑年氏曹君和妻事姑孝姑患癰疾氏扶掖晨昏不離夫亡家貧撫孤成立得抱孫焉咸豐八年旌

王氏生員陳廷楫妻年二十八夫亡生遺腹子漣家人勗以節義氏笑曰守節自婦人事何勸爲紡績訓子待之如嚴父卒能成立同治六年旌劉氏楊增美妻增美遠遊不歸氏代供子職甚得翁姑懽心教子得成立學使旌曰德全孝慈孫氏龍雨妻年十九寡二孤在抱翦髮矢志姑夙病痿痺氏侍側衣不解帶比歿鬻產以斂歲饑以菜根爲糧族某逼之嫁氏忿欲投井以救免晚年桂蘭林立守節六十三年

張氏劉廷傑妻生一子而夫死閱一歲而子又殤年甫十九翁姑憐其幼欲嫁之氏涕泣誓不貳取姪子之守節四十一年田氏李貴妻事姑以孝聞生四子而夫亡氏勵節訓孤四民業令各執一均有成立卒年九十九劉氏雷椿妻年二十五夫亡姑衰老勤紡績以養之撫孤成立守節四十五年陳氏桑長發妻閻氏程世陽妻俱夫亡無子矢志完貞孝養撫姑閭里賢之

白氏劉存忍妻年二十夫亡無子翁姑俱篤老氏守貞孝養有夫弟方二歲撫之使爲諸生守節五十二年侯氏魏椿妻年二十夫亡事姑至孝姑病思肉食割左臂和羹以進尋愈守節四十二年張氏魏治妻年二十四孀居家貧辟纊度日督子文炳就外傳修脯不給恒典質益之卒使入庠食餼李氏刁玉成妻年十四于歸姑虐遇之逐玉成困頓死氏年二十六窮無依率子爲人賃傭五

十餘年卒完其節

孫氏生員馬燁妻年二十八寡撫三子成立培儉培讓俱諸生培德歲貢生艱苦備嘗守節四十五年楊氏雷敬賢妻年十八夫亡子甫二齡矢志撫孤成人勤農業頗知孝道人兩賢之孔氏王禮妻郭氏劉應禮妻俱青年孀居上事翁姑下撫幼弱咸以節著李氏高奇妻年十七夫亡無子事翁姑得其歡心守節四十三年

郭氏劉漢有妻年二十一夫亡衰姑在堂饘粥無資篝燈夜績甘旨恒無缺乏撫子成立守節四十四年吳氏桑某妻于歸善事親翁姑甚鍾愛生孩八月夫亡年甫十八家赤貧躬親井臼備歷艱辛不渝其節石氏王永貴妻年二十喪夫翁姑俱慶氏孝養終身守節五十一年桑氏劉秉禮妻生子女各一而秉禮歿有姑之姒篤老奉之如姑鄉鄰稱孝

程氏彭夏妻年二十一夫亡親老子幼家貧甚母勸更適氏剪髮自誓藉織紵度日卒使老有終幼有長繼世書香不絕曾孫學孔爲邑庠生黃氏劉恒祥妻夫亡家貧勤鍼黹以養翁姑撫子敬修成貢生孫均亦入庠楊氏田鼎新妻年十八孀守孝事翁姑人無閒言歲饑稿餓而死

王氏增生孫紹先妻紹先幕遊江南不歸氏晝耕夜績孝事衰姑姑喪明旋病瀉氏躬侍湯藥扶掖六載無倦容教五子均成立次子荃入庠食餼趙氏常治繼妻年十九夫亡無出撫前室七齡兒矢志守貞母弟屢諷之嫁氏泣曰吾夫早世未盡孝養我再嫁衰親藐孤安資以養是我爲天地間罪人矣冰操彌勵以節壽終趙氏邱秀英妻夫歿事姑撫子孝慈兼至守節四十年

趙氏孫復太妻年二十四夫亡親老子幼無產業常食蓬子棗仁

而以十指供堂上菽水性耿介屢斷炊不一乞假於人趙氏劉廷
耀妻年二十四夫亡家貧子幼母家勸令更適氏聞言哭與母氏
疎督子牽車服賈以自活守節以終李氏惠維新妻夫亡無子姑
憐其少恐守不終氏跪誓奉姑不生異心姑鑒其誠俾撫姪爲嗣
侯氏安成祥妻馬氏魚萬有妻俱青年喪夫孝奉衰姑撫子成立
咸以節著

王氏廩生郭雲魁妻年二十七夫亡家無儋石儲三冬恒不著棉
絮撫子成立苦節凜然傅氏生員李遇春妻年二十八夫亡病革
時截左手一指置夫前示不二撫姪爲嗣矢冰霜操高氏劉丙寅
妻裴氏任廷樞妻俱夫亡無依姑老子弱以身任之節孝並著
蒙氏廩生張錫母錫父歿時母年二十八誓以死守撫錫及堂姪
姪女視同一體錫之女弟三原賀復齋先生妻也先生嘗謂錫曰

爾母嫻內則儀矢從一志有陶孟風規他日當請旌孫遐齡亦諸生任氏諸生王作楨繼妻內閣瀚之繼母年二十夫亡矢志守貞學使樊額曰畫荻遺風張氏邸景雲妻年二十六夫亡事孀姑撫幼孤孝慈備至人無閒言張氏喬世臣妻年二十六夫亡遺孤六歲夫弟四歲無怙恃又當流離之際氏携之他鄉矢志守節撫兩孤以嫂代母以母代父均得成人

王氏張孝增妻年二十五夫亡孝事尊章撫孤成人守節四十八年張氏吳洪炳妻年二十四夫亡姑老子幼氏孝親撫孤艱阻備嘗守節三十九年祁氏年十七于歸張某某貧無賴氏安之力養舅姑三年不懈生子六月矣某一日將行不義氏聞之投兒於地趨赴井死里之人莫不賢氏而惡某也

呂氏趙廷秀妻年二十四夫亡守節道光中學使羅以松筠比節

表其門同治回亂攜孫女避亂賊至氏同女大罵不已賊刺以矛與女同死王氏金三俊母年二十一夫亡紡績奉親撫孤回亂罵賊遇害學使樊旌曰巾幗完人高氏生員趙廷梅妻翰林白遇道之繼姑也避賊廟張堡城陷投井死李氏王烈妻青年守志年已八十賊至大罵被劈其首死

汪氏貢生王懋績妻早失怙事母以孝聞于歸事翁得其懽心翁授徒三原氏隨侍避亂北城陷氏以簪珥資夫遣之逃遂自經惠氏吳昌妻賊至欲掠之去氏給曰俟攜窖藏以從賊信之氏入屋後縊死樹下胡氏陳漣妻回亂依母避居賊至村人竄匿母迫之行氏歎曰出而陷賊不如死而全身躍井中死村中婦女從而入者數十人賈氏蔡義仲妻青年夫亡守節養親聞賊至沉於河死張氏馮立華妻有女及笄抱中兒甫周歲避賊土室中被搜強之

行氏及女同聲罵曰吾女流恨不能殺汝肯從汝耶賊怒並殺之
王氏貢生桑玉傑妻夫亡守節歷四十年朱貽元女水仙年十四
俱被賊執不屈受刃死王振湖女年十六守節王長寧妹年十六
未字俱被賊執大罵死任氏馮正倫妻爲捻匪掠強逼不從受重
傷楊氏羅萬祿妻被捻執以計脫均自投井死張氏石昌林妻被
賊執不從賊剜其兩目又刺數刃死呂氏劉宗良妻賊至抱子沈
河死

雷氏陳興盛妻年二十六夫亡誓死守節母家勸令更適遂與之
絕回亂被掠迫之行氏給以暫釋乘間墜井死孔氏趙明喜妻青
年孀守被賊迫脅給以返窰中取所藏衣飾即投繯死王氏李自
毅妻被賊執誘以甘言氏罵不絕口賊怒斷其手足殺之孫氏程
某妻年八旬餘賊執索金珠給曰釋我當示汝賊釋之投井死王

氏趙廷槐妻賊至立驅孫媳五人入井隨亦投井死李氏淳化學博陳廷佐妻城陷投井死侯氏王蘭妻張氏子文煒妻賊入睨張却以刃張氏罵不絕口賊剖腹流其腸侯氏以首觸階石死

張氏幼字喬述先未婚而述先死年甫十七聞訃衰絰奔喪遂不復歸孝事翁姑翁姑歿屏居一樓足不出戶闕者數十年咸豐九年旌吳氏張子抑妻結褵之日張忽逸尋死於羈旅氏紡績奉親終身鉛華不御戶庭不出母家亦不一往回變作赴火死

田氏生而有駝背籬籬之疾幼字近村某嫁有日忽夫家聞其陋也悔致書離異氏泣謂諸弟曰婦有四德姊所短者容耳今未嫁而爲人所棄命也夫古有不嫁以養親者今親雖沒諸弟尙弱吾恃針指足自活將守志養弟依母家以終身可乎弟泣對曰諾遂終身不笄有聞其賢而委禽者悉謝絕姊姊若弟相依爲命毫無

間言比歿鄉之人爲樹貞女華表今道左尙歸立也

任氏藥炯聘妻屢擇吉而連遭喪服故年二十尙未婚時炯肄業宏道書院冬以爐火熱衣感疾歸尋卒氏臨喪痛欲身殉家人以奉姑勸阻乃忍死翦頂髮一握置棺中以示不二遂晨昏奉養衰姑不出門庭者數十年撫姪培基爲嗣不幸中折復撫襁褓姪益壽以延祀含哺劬育艱苦備至學使沈衛以苦節冰霜旌之入祀

節孝祠

以上
縣志

朱氏楚永凝妻年二十六夫亡事翁姑善承顏色姑病侍藥拂蠅不離床側歲稔勸夫以百五十金代完其賦里人德之匾其門曰德被粉榆亡何家以析爨衰落氏紡績課子萬才讀娶媳陳氏撫前子如己出耕紡度日回亂萬才以督團遇害氏率子女避亂三原父母遭亂無依遣子珩迎歸終養珩以庠生從戎積功保至州

判兩世苦節俱光緒三十三年旌

張氏喬世臣妻年二十六夫亡孝事翁姑克盡婦職子廷彥六齡夫弟世傑少廷彥二歲母志爲舅奪氏撫之一如廷彥皆至成立邑侯王海涵表其墓王氏庠生杜蔭堂妻年二十九夫亡家貧翁姑在堂氏紡績奉養撫子述甫入學食餼趙氏王元英妻青年孀居矢志奉養舅姑撫二子俱成立長子畿入邑庠俱光緒年間旌王氏榮小陽妻孝事翁姑回亂夫以守城遇害時氏年十九無子有諷以再嫁者拒之曰婦人失節狗彘也撫姪爲嗣守節五十年馬氏李炎妻年十八夫亡遺襁褓子家貧耕紡以養翁姑撫子成人張氏喬玉妻年十八夫亡夫弟珍迫之嫁氏忍泣終不奪志事病姑曲意承顏後珍爲捻害貧無以殮氏泣求親鄰貲助始得葬人皆義之賈氏趙萬春妻年十七夫亡孝養翁姑冰節自矢邸氏

吳富庭妻事舅姑以孝聞貧不隳志撫子成立學憲俱以節孝表其廬

王氏榮積芳妻年十九夫遇回害事姑以孝撫孤以慈守節不渝高氏任際昌妻年二十八夫征擒匪戰歿家貧氏縫紵澣濯奉養衰姑終其天年撫子成立張氏來思孝妻年二十八而寡事姑孝處妯娌雍和無間撫姪延祀楊氏劉英妻年二十六夫亡矢志不貳撫子生蘭成立娶媳馬氏年二十二生蘭歿孝事孀姑冰節一門學憲俱以貞節可風旌之

成氏王振魁妻夫歿遺二女矢志守貞歲大稔有析居之兄嫂餓死遺子五歲氏收養之又慮不能兼顧遂將長女童養於外幼女餓斃而姪竟得生後姪夫婦奉氏如親母焉鄧氏邱憲章妻年十八夫亡欲殉家人勸止舅姑憐其志之堅也命以姪連爲嗣氏撫

如己出家綦貧度用多從十指出奉姑訓子終始不懈劉氏喬璜妻年十五于歸逾月璜服賈遠方未幾客死氏矢志奉親翁病久不痊氏焚香告天割股和藥以進病竟愈取姪爲嗣撫養成立人以節孝稱

高氏聶文亨妻夫賈蜀久不歸姑聶瞶氏孝養維謹回亂奉姑避難他鄉姑患疫歿扶柩歸葬旋赴蜀覓夫同居生子未二歲夫卒氏年二十八扶柩歸葬紡織課子誠讀入庠成貢生張氏蒙化妻姑病痿臥床者十二年氏奉侍不懈年二十九孀居回變攜二子逃作傭覓食嗣旋里耕紡自給撫子成人熊氏蕭殿元妻年二十六寡矢志奉親藉女紅以孝養每炊留米一匙久則積少成多屢逢歲荒家人賴以全活里人賢之

張氏邱振邦妻年二十夫遇回害氏扶姑避難北原藉針工以奉

養亂平歸里鋤犁墾荒戚友憐之取族姪爲嗣撫之成立王氏魏景宗妻年十九夫亡有諷以再醮者氏泣語曰若嫁翁姑其誰依乎旋遺腹生男奉親撫孤孝慈備至吳氏張鳳儀妻青年孀守孝事翁姑撫二子希聖希賢均入泮孟氏孔繼禮妻年二十七夫亡事孀姑先意承志撫養二子守節不渝田氏姚啟鵝妻年二十三夫歿奉姑曲得歡心事夫兄嫂以禮雖勞不怨守節四十五年梁氏增生王兆崙妻進士梁景元女幼承父訓能隨夫甘貧回亂聞兆崙遇害投井死魏氏廩生雷啟春妻回亂時夫適遠出氏勸翁逃弗聽賊大至翁被焚氏攜女投井死樊氏生員李述白妻回逆入室氏罵賊不屈被重傷匍匐投井死

高氏曹新興妻事舅姑能色養凡衣服飲食無不先意承志回變作氏促夫負子逃遂投井死喬氏鄧某妻幼精女紅頗識字賊焚

經陝西通志卷一百一

訪以
冊上
探

附節孝暨殉難婦女姓名

李氏 張氏 鳳馬 翽世 英妻 胡妻 李氏 張氏 永李 齡汝 霖妻 銀妻 馬氏 吳氏 吳希 孔佑 妻妻 聶李 氏氏 張樊 宗宗 孔璽 妻妻 段王

氏氏
吳張
居明
業建
妻妻
崔吳
氏氏
李史
屆君
馥用
妻妻
郭劉
氏氏
李周
有文
村教
妻妻
王昂
氏氏
鬲劉
伯廷
信儒
妻妻
史郝

氏劉
 妻統
 氏妻
 賈劉
 甯氏
 妻喻
 楊琅
 氏妻
 李李
 天氏
 秀雷
 妻永
 高順
 氏妻
 馬劉
 珏氏
 妻韓
 張麟
 氏生
 雷妻
 霆高
 妻氏
 郭劉

王氏植劉妻永張順氏妻商徐志氏妻霖李殿魚杰氏妻知董縣氏劉白世口淇妻繼任妻氏呂張氏宗劉義柱妻妻邢葉氏

林氏
信白
妻口
李妻
氏石
生氏
員墨
杪梭
慎妻
修劉
妻氏
張趙
氏彩
王章
景妻
信蔡
妻氏
張趙
氏守
喬經
作妻
舟柴
妻氏
張楊